

LA BASTIDO DE TOUSSANT LAPIQUO.

Barthélemy LAPOMMERAYE.



1857

MA BASTIDO.

Ma Bastido est pas lueun ;
L'y convidi dégun,
Pamen est ben ramplido ;
Jouissi coum' un rey
Senso mangear dé pey,
Ayoli ni bourrido.

L'ENCIAN CABANOUN.

Moun encian cabanoun
Er' un poù trop pichoun,
Regreti plus sa visto
D'òu Cairé dé la mar
D'ounté bouffo vent lar
Et qu'ero tant réquisto !

LOU CASTEOU.

Siou mestré d'un Casteou
Quilla su d'un plateau !
D'aqui vioù la campagno,
Mazargo, Mount-Redoun,
Sant Ginier et Sant Troun,
Sant Loup et sa mountagno.

LOU PANORAMA.

Tout just en m'aplantant
En faço d'òu lèvant,
Aluqui la Blancardo
Un inormé Couvent (1)
Qu'a façad' òu pounent
Semblo que mi regardo.

(1) Couvent des Missionnaires Oblats.

Mi boulant dé canteou,
Rescontri Sant Maceou,
Garlaban et l'Estelo ;
Bretagno (1) à l'òurisoun
Pareissé d'escoundoun
Quand lou nioù l'encapèlo.

S'en virant òu labech,
Un pòu sur moun adrech,
Per un moument régardi,
A pourtado dé man
Si présento, subran,
La Viergi dé la Gardi.

La testo dé Puget (2)
Merveillo dé l'endret,
Qué l'asard a taillado,
Est dessus Lumini
Dé F... Domini,
Vésin dé la Calado.

(1) Mont Bretagne près la Ste-Baume.

(2) Colline au sud du territoire, laquelle forme, par sa découpeure, un profit gigantesque.

Pourriou ti t'òublidar
Quand ti vioù pounchegear,
Est impoussibl' à creiré,
Tu que pouartés òu flan
La Baoumo dè Rollan,
Bello Marsilho à veirè !

L'Egliso deis Chastrous,
Où beoù mitan d'òu Cous
Sriet ben miès plaçado,
Què lou long dè Jarret
Mountè misè Sarret
Refresquo sa bugado

Per destròucar Sant Just
Est aïsa d'aver l'ùs
L'a ren qu'no manièro ;
Enregas lou camin
D'un bout jusqu'à la fin,
Coum' à la grand Carrièro

D'òu Rey lou grand Pièloun,
Què sembl' un Pipòudoun,
Vous dit mount'èst Gardano,
Mount'èst Casteoù Goumbert
D'Agachouns tout cubert,
Tamben mount'èst Simiano.

Vioù tout lou terradou,
Sant-Louis, l'Adoubadou,
La Nertho qu'est troïcado,
Leis Ilos et Planier,
La borno Canoubier,
La Couroun' (1) alunchado.

Vioù fugir leis vagouns,
Entendi leis canouns
Quand pètount sur leis barris ;
Vioù touteis leis signaòs,
Countarioù leis fanaous,
Veirioù courré leis garris.

(1) Cap Couronne à l'ouest.

Pourriò plus m'arrestar,
Sè vouliò tout marquer
Dins aquelo revisto.
Dè valoun en valoun,
Anarians à Nioùloun
En passant per la Visto !

LEIS ANIMAOUS.

Où mitan d'un Bassin
Un Phoqu' à l'ueilh malin
Où souleò si radasso.
Rècèb' à seis repas
Dè Pouprès, dè Fieras,
Leis prend, esquich', empasso.

Dins un Lac deis plus grands
L'a Cygnès et Gabians,
Qu'est un poulid coumerço ;
Contès verts et nègrouns

Fasent fouesso soutouns,
D'Oùsseoùs dè touto merço !

Dins de galans oustaoùs
L'a d'aïs et de chivaoùs,
Dè Bichos, dè Gazèlos,
Dè Cigougnos, d'Hérouns,
Dè Fédos, dè Ménouns,
D'Aiglos, dè Bartavelos.

Si l'y trovo un Cameoù,
Un Éléphant ben beoù,
Rhinocéros, Girafo,
D'Ours, dè Tigrès, dé Liens,
Qu'émè seis gros arpiens
Signount sa patarafo.

Parlarai d'où Magot
Qué semblo un matalot
Escalant la maturo ;
Tamben d'où Chimpanzé,
Où mourré tout plissé.
A la Nègro figuro.

LA VOULIÈRO.

Per mi rendrè countent,
Accabount, où moument,
Uno grando voulièro !
Là maï dè millo oùsseoùs,
Grands, pichots, touteis beoùs,
Cantant à sa manière.

LEIS POUENTS ET LEIS CABANOS.

L'a d'Aleyos pertout,
De l'un à l'aoutré bout,
Dè Pouents et dè Cabanos,
Dè Pins et d'Oùliviers,
Dè Saouzés, d'Amouriers,
Dè Lauziers, dè Platanos.

LA CASCADO.

Là d'aig' à vous négar,
A vous assadoular ;
S'espandiss' en Cascado,
Dè roucas en roucas

Dè la Cim' à d'abas
Qué sembl' uno Bravado.

M'an counstruit un Cafè
Qué fa poulid effet,
Relusent dé Pinturo
D'ou stylo dè Camouin !
Lou Magasin Canquoin
A pas tant dè béluro !

LA COUMPAGNIÉ.
Réccèbi dè moussus,
D'artisans ben coussus,
Dè parens, dè vésinos,
Dè simplès coutillouns,
Tartans, chalos, manchouns,
Talmas et Crinolinos.

LA MUSIQUO.

Lou Dimenché, péreoù,
Si vist ren dè tant beou !
Où son dè la musiquo,
Lou mound' est à mouloun,
D'où grand fin qu'où pichoun,
Per fairè la répliquo.

EST PAS CHIER.

Sioù franc d'impousitiens
Et dè réparatiens !!
Per tant dè jouissanço
Pagui, touteis les ans,
Quatr' escus dè cinq francs
Récampas à l'avanço.

COUNSEOU.

Sè fasias cè que Dioù,
L'hyver coumo l'estioù,
Jouirias dè la vido !
Emè leis Omnibus,
Vo ben, à pedibus,
Vendrias à ma bastido.

COUNCLUSIEN.

Vous dirai lou fin mot
Et resterez capot,
Fè de Toussant Lapiquo !
Ma bastido a per noum
Qué pouarto un grand rénoum !
Zardin Zooloziquo !

© CIEL d'Oc – Mai 2006